


SIUNNERSUUT

KOMMUNIMUT PILERSAARUMMUT TAPILIUSSAQ 100010-1
KANGERLUARSUSSUARMİ AKUERSISSUTEQARFIIT,
NUNAANNAQ
AGGUSTI – 2025



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

KOMMUNIMUT PILERSAARUMMUT TAPILIUSSAQ SUNAAVA / ILLOQARFIMMUT PILERSAARUT?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisissaannik Namminersorlutik Oqartussat nalunaarutaat nr. 4, 25. januar 2024-meersoq) pisussaavoq, kommunimut pilersaarut pisariaqartutigit malinnaatitsissalluni. Nutarterineq taanna ingerlanneqartarpoq kommunip pilersaarutaanut allannguutiniq pineqartunik imaluunniit pilersaarummut ilassutissanik nutartikkanik ilanngussuarnikkut.

Kommunimut pilersaarummut ilassutip pigilerneratigit immikkoortup ilaanut pineqartumut najoqqutassatut aalajangersakkat allanngortinneqassapput, najukkamilu pilersaarutit pilersinneri taamaallaat immikkoortup ilaani immikkoortumut sukumiisumik aalajangersakkanut allannguissalluni.

Kommunalbestyrelse kommunimut pilersaarummut tapiliussamik imaluunniit illoqarfimmut pilersaarummik nunaminertamik atuinissamut sanaartukkanullu tunngasunik aalajangersagartalimmik sukkulluunniit suliaqarsinnaatitaavoq. Tassunga atatillugu Kommunalbestyrelse illoqarfimmut pilersaarummik sukumiisumik aalajangersagartalimmik pilersaarusiortussaataavoq:

- Nuna tamakkerlugu pilersaarusiornernup kommunillu pilersaarusiornernata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit isaterilinnginnermi.

Pilersaarummi uani tunngavigineqartut marluupput, **NASSUIAAT** aamma **AALAJANGERSAKKANUT TUNNGASUT**.

- **NASSUIAAMMI KOMMUNIMUT PILERSAARUMMUT** tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq allaaserineqassapput.
- **AALAJANGERSAGARTAA AALAJANGERSAKKANIK** pilersaarummik piviusunngortitsinnermi malinnaatitsissutigineqartussanik imaqarpoq. Aalajangersakkat aalajangersakkanut pingaarnernut aamma aalajangersakkanut sukumiisunut avitaapput. Illoqarfimmi pilersaarutitut kommunimut pilersaarummi pingaarnertut najoqqutassatut aalajangersakkat allaqqapput. Aalajangersakkat tamarmik inatsisitigit pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit aalajangersakkat pillugit immikkoortoq inatsisitigit pituttuisunik ilanngussanik nunap assitaqarpoq.

TAMANUT SAQQUMMIUSSINEQ

Kommunimut pilersaarummut tapiliussap inaarutaasumik akuersissutigineqannginnerani kommunalbestyrelsimit tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutip imarisaanik paasisaqarsinnaaniassammata immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una Kommunimut pilersaarummut tapiliussassatut siunnersuut 100O10-1 Kangerluarsussuarmi Akuersissuteqarfiit, piffissami **10. septembari – 5. novembari 2025** tungaanut tusarniutigisassanngorlugu tamanut saqqummiunneqassaaq. Oqaaseqaatit kingusinnerpaamik 5. septembari 2025 uunga nassiunneqassapput:

plan@sermersooq.gl

PILERSAARUT SUMI ATUARNEQARSINNAAVA?

Pilersaarut kommunip nittartagaani www.kp.sermersooq.gl-mi atuarneqarsinnaavoq, imaluunniit Sanarfinermut Avatangiisinullu Ingerlatsivimmut imaluunniit plan@sermersooq.gl-mut saaffiginninnikkut pilersaarut tunniunneqarsinnaavoq.

IMARISAI


1. NASSUIAAT	5
1.1 PILERSAARUSIORFIK	5
1.2 SIUNERTAT AAMMA TUNNGAVIIT	6
1.3 PISSUTSIT PIOREERSUT	8
1.4 PILERSAARUMMI PINGAARNERIT	11
1.5 PILERSAARUSAIMUT ALLANUT TUNNGATILLUGU PISSUTSIT	14
1.6 PILERSAARUMMUT TAPILIUSSAP INATSISITIGUT ATUUFFII	15
2. AALAJANGERSAKKAT	17
3. AKUERSISSUTEQARNERMI ATSIORNERIT	24
4. ILANNGUSSAT	25

1. NASSUIAAT

1.1 PILERSAARUSIORFIK

Kommunimut pilersaarummut tapiliussami immikkoortup ilaatut nutaaq 100O10 – Kangerluarsussuarmi Akuersissuteqarfiit nunaannarmiittoq, akiliisitsilluni qissattaammik eqalunniartitsinermi akuersissuteqarluni atorneqarsinnaavoq, sumiiffinni toqqakkani takornariartunut kiffartuussinermik ingerlatsinissamut akuersissuteqarneq pillugu Inatsisartut inatsisaat malillugu (matuma kingorna akuersissuteqarnermi inatsit).

Immikkoortoq immikkoortunik immikkuualuttunik pingasunik ataatsimut 2,64 km²-itut annertutigisumik annertussuseqarpoq Kangerluarsussuarmilu, Nuup Qeqertarsuatsiaallu akornanni, inissisimalluni. Immikkoortoq immikkoortup ilaani sanaartorfiusussaangitsumi 02-mi - Inuilaq, inissisimavoq.



Takussutissaq 1 // Immikkoortup ilaata 100O00-ip killeqarfilersornera

1.2 SIUNERTAT AAMMA TUNNGAVIIT

SUMIIFFINNIK AKUERSISSUTEQARFIUSUNIK ATUGASSINNEQARNISSAMIK QINNUTEQAAT

Kommuneqarfik Sermersooq akiliilluni qissattaammik eqalunniartitsisarnissamik akuersissutinik qinnuteqaammik tigusaqarpoq. Akuersissuteqarfinnik atugassiissuteqarnissamut qinnuteqaat 2024-mi oktobarimi Illoqarfimmik Ineriartortitsinermut Sanaartornermullu Ataatsimiititami akuersissutigineqarpoq, tamatumalu kingorna pilersaarusiorneq aallartinneqarpoq.

Pilersaarusiarnik aallartitsinissap akuersissutigineqarnerani Siumut ikinnerussuteqarluni oqaaseqaateqarpoq:

"Suliap tusarniutigineqarnissaa Siumumit akuerineqarpoq, sumiiffiit pingasut ataatsikkut akuersissutigineqarnissaat itigartillugu."

Ingerlatsivimmit taakkununga immikkuualuttunut pingasunut pilersaarutitut tunngavik ataatsikkut akuersissutigineqarnissaat siunniunneqarpoq, taamaattorli akuersissuteqarfigineqartut immikkut akuersissuteqarfittut atugassanngortinneqarsinnaallutik.

AKUERSISSUT QANOQ ISUMAQARPA

Takornariaqartitsinermik sulialimmut akuersissut akuersissutaatilimmut kisermaassilluni akiliisitsilluni qissattaammik eqalunniartitsisarnissamik neqerooruteqarnissamut pisinnaatitsivoq immikkoortup akuersissuteqarfigineqartup killingata iluani. Tassa imaappoq sumiiffiup taassuma iluani allat taamatut takornarianik sammisaqartitsisarnissamut neqerooruteqarsinnaanngitsut.

Erseqqissassallugu pingaaruteqarpoq, akuersissutip atuisut allat killilersuiffiginngimmagit: Aalisarnermik inuussutissarsiutillit pinialuttartullu immikkoortumik atuisarnertik ingerlatiinnarsinnaavaat. Taamatullu immikkoortoq takornarianut allanut suli ammassaaq – soorlu pisummik angalaartunut, tammajuitsussarsiniartunut – kikkunnullu tamanut sukisaarsaarnissaminnik siunertaqartunut.

Takornarianik sullissisinnaanermik akuersissut, kommunimut pilersaarummut tapiliussami matumani periarfissiissutigineqarpoq, ukiut tallimat angullugit piffissalerlugu. Pilersaarutaasumik suliassat naammassineqarnissaat pillugu aamma aningaasaqarnikkut attanneqarsinnaasumik ingerlanissaq pillugu pisariaqartutut nalilerneqarpat, akuersissut ukiut 20-t angullugit tunniunneqarsinnaavoq. Akuersissut ukiut tallimakkuutaarlugit sivitsorneqarsinnaavoq, - sivilunerpaamilli ukiut katillugit 30-t, akuersissuteqartarnermi inatsimmi §5 naapertorlugu.

TAKORNARIALERINERMIK INERIARTORTITSINERMI ANGORUSUNNEQARTUT

Takornariat amerlassutsimikkut Nuummi eqqaanilu aamma Kalaallit Nunaat ataatsimut isigalugu nunanut tamalaanut Nuummi mittarfiup ammarneqarneratigut amerlinissaat naatsorsuutigineqarpoq. Takornariartitsinermut immikkoortumi pilersaarut 2025 – 2035-mi, Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfigmeersumi Kalaallit Nunaanni takornariaqarnerup ineriartortinneqarnissaa pillugu imatut anguniagaqarpoq:

"Ukioq 2035-mi Kalaallit Nunaat nunaassaaq issittuni takornariaqartitsivik qaffasinnerpaamik inissisimasooq. Takornariatitsinermik inuussutissarsiutit tassaapput inuiaqatigiinni nappataasut, malunnaatilimmillu inuiaqatigiit ineriartortinneqarnerannut atugarissaarnermullu tunniussaqaartarlutik. Takornariatitsineq naleqartunik pilersitsisarpoq - aningaasarsiornikkut aamma kulturikkut. Takornariatitsineq iluaqutaavoq kikkunnut tamanut, nunatsinnillu najoruminarnerulersitsilluni."

Pilersaarusiornermut Periusissiami 2023-mi aamma takornariatitsinerup ineriartortinneqarnissaa qitiutinneqarpoq, periusissiorneqartariaqartunut tunngatillugu:

"[Kommuneqarfik Sermersuup] Asimi takornarialerinermik ineriartortitsinermi ileqqut malillugit aalisarnermik piniarnermillu kulturimik ingerlatsisut peqatigalugit suliarineqarnissaa qulakkiissavaa.

[...]

Takornarianut isumatusaartumik siammasissumik misigisassarsiortitsinissaq qulakkeerumallugu ineriartortitsineq ikorfartussavarput."

Kommunalbestyrelsimat matumani Kommunimut pilersaarummut tapiliussaq aqutigalugu Kangerluarsussuarmi kuunni pingasuni takornarianut tunngatitamik akiliisitsilluni aalisartitsinnaanermut akuersissuteqartoqarnissaa ammaassisoqarnissaa kissaatigineqarpoq.

Pilersaarummi siunertat tunngaviillu:

- Nuup avataani nunaannarmi takornariaqarnikkut siuarsaanissaq pillugu akiliilluni qissattaatinik eqalunniarnissamut (Salvelinus Alpinus) pisinnaatitsissutinik atugassiinissamut nutaamik immikkoortup ilaanik atugassiisoqassasoq.
- Immikkoortup inuilaarsuurtut isikkoqarnissaa aamma tamanut tikinneqarsinnaanissaa qulakkeerneqassasoq.
- Takornarianut sukisaarsaatigalugu aalisariartunut atugassarititaasut pitsaasut qulakkeerneqassasut – inuussutissarsiutigalugu aalisartunut piniartunullu kiisalu nalinginnaasunut tamanut killilersuinngikkaluarluni.
- Tammaarsimaarfiit toqqissumi, akuersissuteqarfittut akuerisap iluani toqqit aamma toqqorsiviit, pilersinneqarsinnaanerisa periarfissaqartinnissaat qulakkeerumallugu.



Takussutissaq 2 // Immikkuualuttoq 1 – Asseq Raw Arctic

1.3 PISSUTSIT PİOREERSUT

Kangerluk Kangerluarsussuaq Nuup eqqaani inissisimavoq – Nuup 100 km.-it missiliorlugit kujataani Qeqertarsuatsiaallu 35 km.-it missiliorlugit avannaanni. Kangerluk 48 km.-it missiliorlugit qinngortussuseqarpoq arlalinnillu eqaloqarfeqarluni, taakkunannga pingasut sumiiffittut akuersissuteqarfiusutut atugassanngortinneqarput. Immikkoortup ilaa pingasunik immikkuualuttortaqarpoq: Eqluit Kuuat, Ilivertallip Kuua aamma Isua.

IMMIKKUUALUTTOQ 1 - EQALUIT KUUAT

Immikkuualuttoq 1 Eqluit kangerliumarnganiippoq Kangerluarsussuup avannaata tungaani, kangerlummi 10 km.-it missiliorlugit ilorpasitsigisumi. Immikkuualuttup ilaa 131 ha.-it missiliorlugit annertussuseqarpoq kuullu akuaniit qanittuani tatsip Eqluit Tasiat tikillugu annertutigaluni – kuup ingerlaarfia 4,4 km.-it missiliorpaa.

Taseq kuullu qoorortami qaqqat nuui ersarissut akornanni inissisimavoq, portunerpaaq – Eqluit Portornat – kuup kitaaniippoq 491 meterinik portussuseqartoq.



Takussutissaq 3 // Eqluit Kuuat

IMMIKKUUALUTTOQ 2 - ILIVERTALLIP KUUA

Immikkuualuttoq 2 Kangerluarsussuup kujataata tungaaniippoq, kangerlummi 15 km.-it missiliorlugit ilorpasitsigisumi. Immikkuualuttup ilaa 107 ha.-it missiliorlugit annertussuseqarpoq kuup akuaniillu kuuk atuarlugu 1,8 km.-inik qummut ingerlaarpoq. Immikkuualuttup ilaa kuuk atuarlugu ippoq tatsit mikinerit pingasut aqqusaarlugit, kuullu timerlerpaap ilorpiaani kuuit katinnerani naaneqarluni.

Immikkoortoq portusuunik qaqqaqanngilaq atsissumiilluni – Aatsaat sineriammiit 3,5 km.-it missiliorlugit ungasitsigisumi nunataa qaqqartalimmut qaffariarpoq, tassaasut Qaqqatsiaq, Qilertit aamma Sermersalik. Qaqqat akornanni taseq Ilivertallip Tasia inissisimavoq.



Takussutissaq 4 // Ilivertallip Kuua

IMMIKKUUALUTTOQ 3 - ISUA

Immikkuualuttup ilaa 3 Kangerluarsussuup qinngorpiaaniippoq, pulammagiaaniit 48 km.-it missiliorlugit ilorpasitsigisumi. Immikkuualuttup ilaa 194 ha.-it missiliorlugit annertussuseqarpoq kuullu akuaniit kuuk qummut atuarlugu 4,4 km.-inik ingerlaqqippoq.

Kuuk qaqqat qooruanniippoq portusuunik avannaatungaani kujataatalu tungaani qaqqaqarluni. Kuuk eqqaani qaqqanut serminullu kiisalu kangiani sersersuup itserngani tatsinut ingerlaqqippoq.



Takussutissaq 5 // Isua

1.4 PILERSAARUMMI PINGAARNERIT

Kommunimut pilersaarummut tapiliussami immikkoortup ilaa nutaaq 100O10 immikkoortutut sanaartorfiunngitsutut inissillugu aalajangersaaffigineqarpoq, inuilaarsuartut akiliisitsilluni aalisartitsinermut neqeroorutigineqarluni. Immikkoortup ilaanik 100O10-mik atugassiinikkut peqatigitillugu immikkoortup ilaa O2 Inuilaq killeqarfia allanngortinneqarpoq.

Qissartartitsisarnernup akeqalersinneratigut takornariat immikkoortuni atugassiissutigineqartuni takornariat amerlassusii killilersimaartinneqassapput, attanneqarsinnaasumillu ingerlanneqarsinnaalluni. Tamanna sumiiffimmi peqassutsimik pinngortitamillu mianerinntsitsissaaq – peqatigitillugulu tikeraanut nuannernerusumik misigisaqarfiulluni.

Immikkuualuttut ilaannik akuersissuteqartitsineq taamaallaat takornarianik akiliisitsilluni aalisarnermik nioqqutitut atorineqarsinnaavoq. Tassa aaqqissuussineq immikkoortup takornariaqartitsisartunit allanit, inuussutissarsiutigalugu aalisartunit, piniartunit nalinginnaasumillu kikkunnilluunniit atorineqarsinnaanernut sunniuteqarnavianngilaq.

Immikkoortumi takornarianut sammisanut tamanut sammisaqarfiunera atorineqarneralu pinngortitamik sapinngisamik mianerinnulluinnarluni pissaaq. Nunataa allanngortinneqassanngilaq, sunnerneqarsimassappallu tamanna iluarsineqassaaq immikkoortumik atuinerup kingorna tamanna atorineqarsimanngitsutut isikkoqalersillugu. Akuersissummik pigisallip immikkoortup saligaatsuunissaa aserfallatsaalineqarnissaalu akisussaaffigivaa, matumani igitat anartarfiillu peerneqartarnissaat ilanngullugit, kommunimut pilersaarummi aalajangersakkat aamma kommunip tamatumani ileqqoreqqusai malittarisassaalu malillugit pissapput. Akuersissummik pigisalik aamma pisussaaffilerneqarpoq, immikkoortumut immikkoortumilu angallannerup aqqusineeqqatigut innersuunneqartutigut pinissaata qulakkeerneqarnissaanut.



Takussutissaq 6 // Immikkuualuttoq 2 – Asseq Raw Arctic

ATORNEQARNERA

Akuersissuteqarfigineqartoq immikkoortutut killegarfilerlugu aalajangersarneqarpoq, tamanna akiliisitsilluni qissattaammik eqalunniartitsinermut tunngasunut atorneqarsinnaasunngorlugu aalajangersaaffigineqarpoq.


Immikkuualuttuni tamani utaqqiisaasumik tupeqarfeqarsinnaavoq, Tammaarsimaarfinnut tunngatillugu, kommunimut pilersaarut atuuttoq malillugu, sapinngisamik immikkoortup ataatsimut inuilaarsuartut isikkoqarnera allanngortinneqassanngilaq.



Takussutissaq 7 // Immikkuualuttoq 3 – Asseq Raw Arctic

NUNARSUARMI ANGUNIAKKAT:

Pilersaarummi nunarsuarmi anguniakkat makku kalluarneqarput:



Takussutissaq 8 // Nunarsuaq tamakkerlugu anguniakkat attuumassuteqartut

1.5 PILERSAARUSAIMUT ALLANUT TUNNGATILLUGU PISSUTSIT**1.5.1 NUNA TAMAKKERLUGU PILERSAARUSIORNEQ**

Kommunimut pilersaarummut tapiliussaq nuna tamakkerlugu pilersaarusiornermut naapertuuppoq.

1.5.2 KOMMUNIMUT PILERSAARUT

Kommunimut pilersaarutissatut siunnersuut kommunimut pilersaarummut attuuttumut naapertuutinngilaq, immikkoortup ilaa allamik pilersitsisoqartussaammat aamma immikkoortup ilaanut 02-mut killeqarfilersuutit allanngortinneqartussaammata.

**1.5.3 QANGANITSAT ERIAGISASSAT IMAALIALLAANNARLUGIT
PEERNEQARSINNAANNGITSUT**

Sumiiffimmi qanganitsanik eriagisassaqarnersoq Kommuneqarfik Sermersuumit ilisimaneqanngilaq. Sumiiffimmi nunami suliaqarneq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu pissaaq.

1.5.4 AVATANGIISEQ

Eqqakkanik igitsineq pissaaq kommunimi eqqakkat pillugit malittarisassat aamma suliaasaqarfik tamanna pillugu inatsisit naapertorlugit pissaaq.

Akuersissummik noqqaassuteqartoqarnerit tamaasa najukkami nunarsuarlu tamakkerlugu soqutigisat naapertorlugit pissutsit nalilersoqqissaarneqartassapput, taamaalilluni uumasut naasullu sapinngisamik innarlitsaalineqarniassammata.

Akuersissutip atorunnaarnerata kingornatigut torersaasoqarnissaanik piumasaqaateqartoqassaaq.

**1.5.5 EQALUNNIARNEQ PILLUGU NAMMINERSORLUTIK OQARTUSSAT
NALUNAARUTAAT**

Kommunimut pilersaarummut tapiliussami eqalunniarneq pillugu inatsit atuuttoq ilaavoq (Inatsisartut inatsisaat nr. 20, 25. agusti 2005)

**1.5.6 KOMMUNEQARFIK SERMERSUUMI EQALUNNIARNEQ PILLUGU
MALITTARISASSAT**

Kommunimut pilersaarummut tapiliussami Kommuneqarfik Sermersuumi eqalunniarneq pillugu ileqqoreqqusaaq atuuttoq ilaavoq.

1.5.7 AKUERSISSUTEQARNERMI INATSIT

Kommunimut pilersaarummut tapiliussaq nunami sumiiffinni immikkut toqqakkani takornariartitsinermik inuussutissarsiornissamut akuersissuteqartarneq pillugu inatsisartut inatsisaannut atuuttumut tunngavoq (Inatsisartut inatsisaat nr. 67, 6. december 2024-meersoq)

1.5.8 PINNGORTITAMIK ILLERSUINEQ PILLUGU INATSIT

Akuersissuteqarfigineqartoq Pinngortitamik illersuineq pillugu Inatsisartut inatsisaat nr. 29, 18. december 2003-meersumiippoq. Kalaallit Nunaata pinngortitaata illersorneqarnissaanut peqataanissamut inatsit siunertaqarpoq.

Illersuineq pissaaq uumassusileqarfiit piujuaannarnissaat tunngavigalugu, mianersornissamik tunngavissat naapertorlugit aamma inuit inuunerminni atugarisaat aammalu uumasut naasullu piujuaannarnissaat ataqqillugit.

Inatsimmi pingaartumik anguniagaapput:

- 1) uumassusillit assigiinngitsut amerlassusiisa assigiinngiaarnerisalu, tassunga ilaallutik uumassusillit kingornussisarnermut pisataat, uumasut aalajangersimasut, uumasut najugannaavi uumasoqarfiillu, illersorneqarnissaat,
- 2) uumassusileqarfinnik pijuartitsineq tunngavigalugu pisuussutini uumassusilinnik iluaquteqarnissaq,
- 3) nunami naleqartitat pigiinnarnissaat paaqqutarinissaallu,
- 4) innuttaasut pinngortitami pisuussuteqaqisumi angalaarlutillu uninngaarsinnaanerisa periarfissinnissaat qularnaarniarlugu, aamma
- 5) nunarsuarmioqatigiit pinngortitaq pillugu isumaqatigiissutaasa pisariaqarnera naapertorlugu Kalaallit Nunaanni inatsisiliornermi atuuttussanngortinneqartarnissaasa qulakkeerneqarnissaat.

1.5.9 PILERSAARUTINIK ATORUNNAARSITSINEQ

Immikkoortoq pillugu siusinnerusukkut kommunimut pilersaarummut tapiliussaqaranilu immikkoortup ilaa pilersaarusiorneqarsimanngilaq.

Matumani kommunimut pilersaarummut tapiliussassatut siunnersuutip 100O10-1-ip akuerineqarneratigut O2-mut aalajangersakkat taarserneqassapput, tassa immikkoortup ilaani kommunimut pilersaarummut tapiliussami killeqarfimmut ilaasut.

1.5.10 TAMANUT SAQQUMMIUSSINEQ

Siunnersuut sapaatit akunnerini 8-ni tamanut tusarniaassutigineqassaaq, piffissami 10. septembarimiit 5. novembarip 2025 tungaanut

1.6 PILERSAARUMMUT TAPILIUSSAP INATSISITIGUT ATUUFFII

1.6.1 INATSISITIGUT ATUUFFIUGALLARTUT

Kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerliliisinnanermut piffissaliussap naaernerani, piffissaagallartillugu akerliliissutiniq tigusaqartoqarsimanngippat nunaminertap siunnersuummi pineqartup, siunnersuummut naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusiornermut inatsit § 31 imm. 2).

Inatsisitigut sunniutaagallartut kommunimut pilersaarummut siunnersuutip tamanut nalunaarutigineqarnissaata tungaanut atuutissapput - taamaattorli siunnersuutip saqqummiunneranit sivilunerpaamik ukiumi ataatsimi. (Pilersaarusiortarnermut inatsimmi § 31 imm 3).

1.6.2 INATSISITIGUT INAARUTAASUMIK ATUUTILERSINNEQARNERA

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerit. (Pilersaarusiornermut inatsit § 29).

Kommunimut pilersaarummut tapiliussaq una inaarutaasoq tamanut nalunaarutigineqareerpat pissutsit pilersaarummi aalajangersakkanik unioqqutitsisut pissusiviusulluunniit pilersinneqarsinnaanngillat. (Pilersaarusiornermut inatsit § 30).

Taamaattorli pisut ilaanni illoqarfiup ilaanut pilersaarutip sukumiisumik aalajangersagartai immikkut ittumik akuersinikkut annikitsumik allaanerutinneqarsinnaapput. Tunngavissatut pingaarnertut aalajangersakkanit malunnaatilimmik allaanerusut sanioqqutsinerillu pitillugit tamanna nutaamik kommunimut pilersaarummut tapiliussamik pisariaqartitsissaaq. (Pilersaarusiornermut inatsit § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.


Kommunimut pilersaarummut tapiliussap malitsigisaanik imaanngitsoq nunaminertat, illut atortulersuutillu pilersaarummi ilaatinneqartut, pilersinneqassasut.

2. AALAJANGERSAKKAT

Kommunalbestyrelsip makku aalajangersakkat *"Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq (Pilersaarusiornermut inatsit)"* malillugu aalajangersarneqarput.

Aalajangersakkat § 20 aalajangersakkanut pingaarnernut aamma § 22 aalajangersakkanut sukumiisunut avitaapput.

Aalajangersakkat tamarmik inatsisitigut pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Pingaarnertut aalajangersakkat pilersaarummi tunngavigineqarput, taamaattumillu aalajangersakkanit taakkunannga immikkut ittumik akuersissuteqartoqarsinnaanani.

§ 20 PINGAARNERTUT AALAJANGERSAKKAT PIOREERSUT	§ 20 PINGAARNERTUT AALAJANGERSAKKAT NUTAAT
IMMIKKOORTUP ILAATA KILLILERSORNEQARNERA	
	 Immikkoortup ilaa ilanngussaq 1-imi takutinneqartutut killeqartinneqarpoq. Immikkoortup ilaa katillugu 4,32 km2-inik annertussuseqarpoq.

1. SIUNERTAQ	
NALINGINNAASUMIK ATUINEQ: O - Immikkoortut sanaartorfiususnaanngitsut	NALINGINNAASUMIK ATUINEQ: O - Immikkoortut sanaartorfiususnaanngitsut AALAJANGERSIMASUMIK ATUINEQ: Akiliisitsilluni qissattaammik eqalunniartitsinermut akuersissuteqarfiusoq. imm.:1. Immikkuualuttut pingasut akiliisitsilluni aalisartitsinermik ingerlatsiffissatut atugassanngortinneqarput. Immikkuualuttuni pingasuni atugassiissutigineqartuni immikkut tammaarsimaarfimmik ingerlatsinissamut periarfissaqarpoq, taakkununnga aqqusineeqqat atortulersuutit ilanngullugit, immikkuualuttumut ataatsimut. imm.:2. Immikkuualuttunik atugassiineq Kangerluarsussuarmi eqaloqarfiit eqqaanni takornariaqartitsinermik attanneqarsinnaasumik ineriartortitsinissamut ikorfartuissaaq. Atugassiineq immikkoortup inuilaarsuartut isikkoqarnera ataqqillugu pissaaq, tamanit tikinneqartuaannarneqarsinnaanerata qulakkeerneqarnissaa eqqarsaatigalugu.
2. ATUINEQ	
Immikkoortup atuuffissaa sanaartorfiusaanngitsoq siunissanut aalajangersaaffigineqassaaq immikkoortunut O-nut aalajangersakkat tamanut atuuttut innersuussutigalugit, link nalinginnaasoq.	imm.:1. Immikkoortup ilaa akiliisitsilluni aalisartitsinermik ingerlatsiffissatut atugassanngortinneqarpoq. Qissattaammik akiliisitsilluni eqalunnik aalisarnermut atorneqarnerani allat unioqqutitsinngitsumik immikkoortup ilaata iluani sammisaqarnissaat ajornaquteqanngilaq. Assersuutigineqarsinnaasut, killiliisuunngitsulli:

	- Takomariartitsinermi misigisassarsiortitsineq - Pisummik angalanerit / - takornariaqarneq - Inuussutissarsiutigalugu aamma sunngiffimmi piniarneq. - Inuussutissarsiutigalugu aamma sunngiffimmi aalisarneq.
3. SANAARTUKKAT	
Immikkoortup teknikimut siunertanut atorneqarneranut atatillugu sanaartorfigineqarlunilu atortuliisoqarsinnaavoq immikkoortunut O-nut aalajangersakkat tamanut atuuttut innersuussutigalugit, link nalinginnaasoq.	imm.:1. Immikkoortunut O-nut aalajangersakkat atuuttut malillugit, immikkoortup atorneqarneranut atatillugu illuliortoqarlunilu atortuliisoqarsinnaavoq. imm.:2. Akuersissutip akiliisitsilluni qissattaammik eqalunniartitsinermut atorneqarnerani immikkoortumi sammisat allat akuerineqartut ingerlanneqarsinnaanerit ajornartinneqanngilaq. Tammaarsimaarfik toqqissunik amerlanerpaamik qulinik, toqqinut allatulluunniit sanaajugallartunut, immikkut annerpaamik 20m²-inik, peqassaaq. imm.:3. Tammaarsimaarfimmut atatillugu toqqorsiviliortoqarsinnaavoq annerpaamik 12,5 kvadratmeteritut angitigisumik. Containerit toqqorsivittut atorneqassappata, taakku sallilikkanik qallerneqassapput, isikkumikkut illutut avatangiisiminnut tulluarsarneqarsimassallutik. imm.:4. Sanaartugaq sunaluunniit qaarsumut aalajangerneqarsimanngikkuni, toqqavia nunamut qinnilik atorlugu aalajangersimanngikkuni allatut nunamut toqqavilerlugu suliarineqarsimassaaq tamannalu utaqqiisaasumik iluseqartinneqassaaq.

	imm.:5. Sanaartugaq tammaarsimaarfilluunniit kuunniit tatsiniilluunniit minnerpaamik 100 m.-inik ungasitsigisumiitinneqassapput. imm.:6. Sanaartugaq tammaarsimaarfilluunniit qanganitsat eriagisassat minnerpaamik 60 m.-inik ungasissusilerlugit inissinneqarsimassapput. imm.:7. Nunaminertat sanaartorfiunngitsut siunertanut allanut atugassanngortitaanngitsut nunataa nunap ilusaa allanngortinneqassanngilaq saligaatsuutinneqassallunilu. imm.:8. Akuersissutaatillit ataasiakkaat pisussaatinneqarput aamma sumiiffimmik atuigallarnep atorunnaarnerani nunap torersarneranut pisariaqarpallu nunap nunatatut isikkoqaqqilernissaanut naasulersueqqinnermullu aningaasartuutunik akiliinissaminut. Akuersissutaatilik suliassamik taassuminnga naammassinninngippat, taava Kommuneqarfik Sermersooq imminut pisinnaatippoq akuersissutaatillip akiligaanik suliamik naammassinninnissaminut.
4. INISSAQASSUSIA SINNERUTTOQ	
Immikkoortumi teknikikkut atortulersuutiliisoqarsinnaavoq, teknikikkut atortulersuutilersornermut aalajangersakkat atuuttut naapertorlugit, linki nalinginnaasoq.	imm.:1. Teknikkimik atortulersuutit nalinginnaasut pillugit aalajangersakkat atuuttut malillugit immikkoortumi teknikkimut atortuliineq akuerineqarpoq.
5. ERIAGISARIAQARTUT	
Immikkoortuni arlalinni qanganitsat eriagisassat arlaqarsinnaapput. Qanganitsat eriagisassat nunap assingatigut Nunatta Katersugaasivia Allagaateqarfialu aqqutigalugu assitalersugaapput.	imm.:1. Immikkoortuni atugassanngortinneqartuni qanganitsat eriagisassat arlaqarsinnaapput. Qanganitsat eriagisassat nunap assingatigut Nunatta Katersugaasivia

Qanganitsanut eriagisassanut allattorsimaffik killeqanngilaq, taamaattumik immikkoortup ilaani pineqartumi qanganitsanik eriagisassanik nalunaarsorsimanngitsunik peqarsinnaavoq. Qanganitsat eriagisassat illuliorfigineqassanngillat, inatsit atuuttoq innersuussutigalugu. Illuerunnerni (Nuuk), Kuussuarmi (Nuuk) aamma Akiliani tamarmi kiisalu Ivittuuni Ikkamilu illutoqqat tamarmik eqqissisimatitaapput. Eqqissisimatitanut piumasaqaatit ataasiakkaanut eqqissimatitanut nalunaarummi takuneqarsinnaapput.	Allagaateqarfialu aqcutigalugu assitalersugaapput. Qanganitsanut eriagisassanut allattorsimaffik killeqanngilaq, taamaattumik immikkoortup ilaani pineqartumi qanganitsanik eriagisassanik nalunaarsorsimanngitsunik peqarsinnaavoq. Qanganitsat eriagisassat illuliorfigineqassanngillat, inatsit atuuttoq innersuussutigalugu.
6. ISUMANNAALLISAANERMUT KILLEQARFILIUSAT	
Attaveqaatinut radiokkullu aallakaatitsinermut atortulersuutit qulakkeerniarlugit, asimi radius 1 kilometerimi illuliunnginnermi atortulersuutinillu pilersitsinnginnermi, telep atortulersuutaanit, imaluunniit 150 meter aamma qatsissuseq -25 meterimik ungasitsigisumi, Tusassimiit (telemut oqartussaasunit) immikkut ittumik akuersissuteqarfigineqarnissamik qinnuteqaateqartoqassaaq. Aamma taamaappoq, pilersitsinerup kingunerisaanik telemut attaveqaatitigut sunniuteqarnissaa nalilikannerneqarpat. Nuummi mittarfiup ingerlanneqarnissaanut atatillugu killeqarfiit piumasaqaateqarfiusut allanngortinneqassappata, asimi nunaminertamik atuinerit nutaat tamarmik killilersuutinik atuuttunik malinnissapput. Immikkoortut ilaat arlaqartut eqqaanni timmiaqarfiit eqqarsaatigalugit immikkut piumasaqaatitaqartinneqarlutik killeqarfeqartinneqarput. Nunaminertamik atuinerit tamarmik taakkua eqqarsaatigalugit pissapput. Ilanngullugu sumiiffimmiit sumiiffimmut immakkut angalanermi nalinginnaasumillu nunani eqqaaniittuni	imm.:1. Attaveqaatinut radiokkullu aallakaatitsinermut atortulersuutit qulakkeerniarlugit, asimi radius 1 kilometerimi illuliunnginnermi atortulersuutinillu pilersitsinnginnermi, telep atortulersuutaanit, imaluunniit 150 meter aamma qatsissuseq -25 meterimik ungasitsigisumi, Tusassimiit (telemut oqartussaasunit) immikkut ittumik akuersissuteqarfigineqarnissamik qinnuteqaateqartoqassaaq. Aamma taamaappoq, pilersitsinerup kingunerisaanik telemut attaveqaatitigut sunniuteqarnissaa nalilikannerneqarpat. Nuummi mittarfiup ingerlanneqarnissaanut atatillugu killeqarfiit piumasaqaateqarfiusut allanngortinneqassappata, asimi nunaminertamik atuinerit nutaat tamarmik killilersuutinik atuuttunik malinnissapput. imm.:2. Nunaannarmi killeqarfilersuutinik piumasaqaateqarfiusunik timmiaqarfinnut atatillugu peqarpoq. Nunaminertamik atuinerit tamarmik


angallannermi immikkut eqqumaffigisassaq. Immikkoortuni aatsitassarsiornissamut akuersissuteqarfigineqareersuni (matumani misissuinissamut, piiaanissamut imaluunniit kisermaassillutik annikinnerusumik aatsitassarsiornissamut pisinnaatitaaffeqarnermut) immikkoortoq akuersissuteqarfigineqareersimatillugu illuaraliornissamut nunaminertanik atugassiisoqarsinnaanngilaq.	taakkua mianeralugit pissapput. Ilanngullugu sumiiffimmiit sumiiffimmut immakkut angalanermi nalinginnaasumillu nunani eqqaaniittuni angallannermi immikkut eqqumaffigineqassapput. Immikkoortuni aatsitassarsiornissamut akuersissuteqarfigineqareersuni (matumani misissuinissamut, piiaanissamut imaluunniit kisermaassillutik annikinnerusumik aatsitassarsiornissamut pisinnaatitaaffeqarnermut) immikkoortoq akuersissuteqarfigineqareersimatillugu illuaraliornissamut nunaminertanik atugassiisoqarsinnaanngilaq.
7. ANGALLANNEQ PILERSUINERLU	
Immikkoortuni O-ni angallannermut pilersuinernullu aalajangersakkat naapertorlugit aqqusernit taliffissallu akuerisaapput, linki nalinginnaasoq.	imm.:1. Immikkoortuni O-ni angallannermut pilersuinernullu aalajangersakkat naapertorlugit aqqusineeqqat taliffissallu akuerisaapput. imm.:2. Pinngortitap nungullarnissaa annikinnerpaaffianiitinniarlugu tikittarfiup tammaarsimaarfiullu akornanni aqqutinnaanik pilersitsisoqassaaq taamatullu kuuit pingaarnertut aalisarfigineqartartut atuarlugit. imm.:3. Aqqusineeqqat tikittarfillu tamanit atorneqarsinnaassapput. imm.:4. Aqqusineeqqanik ikaartarfinnillu pilersitsinerni annertussusissaat, inissisimaffissaat atortussallu pillugit Kommuneqarfik Sermersuup oqaloqatigineratigut pilersinneqassapput. imm.:5. Immikkoortuni O-ni angallannermut pilersuinernullu aalajangersakkat

	naapertorlugit aqqusineeppat taliffissarlu akuerisaapput. imm.:6. Teknikkimik pilersuinnermut atortut annertunngitsut taamaallaat illuaqqanut ataasiakkaanut atasutut pilersinneqarsinnaapput. Seqernup qinngornerinik tigooraasut nukissiuutillu allat avatangiisimut akornutaanngitsut ikummatissanit atorneqarnissaat kaammattuutigineqarpoq. imm.:7. Eqqakkat kommunimi eqqagassat pillugit malittarisassat atuuttut naapertorlugit isumagineqassapput. imm.:8. Perusersartarfinnik imikumillu igitsinermi kommunip maleruaqqusai atuuttut malillugit pisassaaq.
8. ILLOQARFIMMI NUTARTERINEQ	
Immikkut aalajangersagaqanngilaq	Immikkut aalajangersagaqanngilaq
9. IMMIKKOORTUT QULINGILUAT	
Immikkut aalajangersagaqanngilaq	Immikkut aalajangersagaqanngilaq
10 NUNA TAMAKKERLUGU PILERSAARUSIORNERMI SOQUTIGISAT	
Immikkut aalajangersagaqanngilaq	Immikkut aalajangersagaqanngilaq
11. NUNAMINERTAT SANAARTORFIUSUSSAANNGITSUT	
Immikkut aalajangersagaqanngilaq	Immikkut aalajangersagaqanngilaq

3. AKUERSISSUTEQARNERMÍ ATSIORNERIT

Matumuuna kommunimut pilersaarummut tapiliussaq 100O10-1 Kangerluarsussuarmi akuersissuteqarfiit pillugu siunnersuut maanna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 22/08/2025 aamma sapaatit akunnerini 8-ni tusarniaassutigineqassaaq.


Kommuneqarfik Sermersooq ulloq 25/08/2025


Avaaraq Olsen
Borgmesteri

//


Ole Jakobsen
Kommunaldirektøri

Siunnersuutitut tamanut saqqummiunneqarpoq, ulloq 10/09/2025



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 100010-1 //
Kommuneplantillæg 100010-1

**ILISARNARATINUT NASSUIAATIT //
SIGNATURFORKLARING**

- Immikkoorturni aggulunnerit //
Delområdeinddeling
- Immikkoortup ilaa 100010 //
Delområde 100010

ILANNGUSSAQ 1 // BILAG 1

**IMMIKKOORTOQ 100010 //
DELOMRÅDE 100010**

Aggusti 2025 //
August 2025

Uutuut 1:200.000 // Skala 1:200.000
A4



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 100O10-1 //
Kommuneplantillæg 100O10-1

**ILISARNARATINUT NASSUIAATIT //
SIGNATURFORKLARING**

- Immikkoorturni aggulunnerit //
Delområdeinddeling
- Immikkoortup ilaa 100O10 //
Delområde 100O10

- Tatsinut kuunnullu 100 m.-inik
ungasissuseq // 100m afstand til
søer og elve
- Tammaarsimaarfinnut immikkut
killeqarfik piumasaqaatitalik //
Zone friholdt for camp

ILANNGUSSAQ 2A // BILAG 2A

**IMMIKKUUALUTTOQ 1 //
DETAILOMRÅDE 1**

Aggusti 2025 //
August 2025

Uutuut 1:15.000 // Skala 1:15.000
A4



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 100O10-1 //
Kommuneplantillæg 100O10-1

**ILISARNARATINUT NASSUIAATIT //
SIGNATURFORKLARING**

-  Immikkoorturni aggulunerit //
Delområdeinddeling
-  Immikkoortup ilaa 100O10 //
Delområde 100O10


-  Tatsinut kuunnullu 100 m.-inik
ungasissuseq // 100m afstand til
søer og elve
-  Tammaarsimaarfinnut immikkut
killeqarfik piumasaqaatalik //
Zone friholdt for camp

ILANNGUSSAQ 2B // BILAG 2B

**IMMIKKUUALUTTOQ 2 //
DETAILOMRÅDE 2**

Aggusti 2025 //
August 2025

Uutuut 1:15.000 // Skala 1:15.000
A4



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut
tapiliussaq 100O10-1 //
Kommuneplantillæg 100O10-1

**ILISARNARATINUT NASSUIAATIT //
SIGNATURFORKLARING**

-  Immikkooturni aggulunnerit //
Delområdeinddeling
-  Immikkootup ilaa 100O10 //
Delområde 100O10

-  Tatsinut kuunnullu 100 m.-inik
ungasissuseq // 100m afstand til
søer og elve
-  Tammaarsimaarfinnut immikkut
killeqarfik piumasaqaatitalik //
Zone friholdt for camp

ILANNGUSSAQ 2C // BILAG 2C

**IMMIKKUUALUTTOQ 3 //
DETAILOMRÅDE 3**

Aggusti 2025 //
August 2025

Uutuut 1:25.000 // Skala 1:25.000
A4